

祁縣志

卷十五

卷十六

雜記

祁縣志卷十五

祁縣知縣陳

時編

藝文六

詩

晉

贈溫嶠

郭璞

人亦有言松竹有林及爾臭味異
蒼同岑言以忘得
以淡成同匪伊和惟我與生爾神
余契我懷子情携手
一豁安知塵冥

唐

山西省圖書館
地方文獻

00925

(24178)

送重表姪王珣評事使南海

杜甫

我之曾祖姑爾之高祖母爾祖未顯時歸爲尚書婦隋朝大業末房杜俱交友長者來在門荒年自糊口家貧無供給客位但箕帚俄頃羞頰珍寂寥人散後人怪鬢髮空吁嗟爲之久自陳剪髻鬢鬻市充杯酒上云天下亂宜與英俊厚向竊窺數公經綸亦俱有次問最少年蚪髯十八九子等成大名皆因此人手下云風雲合龍虎一吟吼願展丈夫雄得辭兒女醜秦王時在坐真氣驚戶牖及乎貞觀初尚書踐台斗夫人常肩輿上殿稱

萬壽六宮師柔順法則化妃后至尊均叔嫂盛事垂不朽

元

過麓臺山

王惲

遠尋文石岡來歷南山纏麓臺臺爲山幽徑蟠古篆後峪行未盡前嶺已當面秋聲蕩林樾風露淒以泣陰聲氣翳鬱疑有虎豹變山田若無多溝崦耕已徧柴棧結半空羅絡碧巖轉自憐終歲勤獸患防一旦我本山中人東帶對郵接頓然還舊觀瀟灑償夙願行經雙螭嶺

石怪驚變現闔首榭樹間氣自太古練月中誰推墜囚
鎖屬山縣乃知北平守認虎飲翼箭物肖本偶然長歌
下層巖

周黨墓

楊正芳 推官

赤日盪炎精諸俊紛紜起功成骨髓枯圖書何爲爾子
陵又太顛舉足干星紀君臣兩失節虛聲徒灌耳伯况
義至高伏謁有文理千金已盡捐鐘鼎若糖批穀皮與
短袍呼來不奉旨華名豈所需真心觀太始龍性不可
馴繁養寔所耻博士亦多言責望同羊豕明主豈忍棄

皇路多傾圯人生各有適恬情非進止所以巢居翁洗
濯自瀾瀾脫身恣遐矚九州一蕩子朝從澠池煙暮飲
汾河水賜帛四十疋常穿雙敝履孤塚尚壘壘白石何
齒齒上有古松樹清蔭被祁里無葉更無枝野火燒不
死相伴先生骨年年苔色紫碑文久剝落字盡凌蒼兕
拂拭愴我神丁寧矚逸史呵護須殫力寸心託在此再
拜媿無將江南採蘭芷歌曰恒山聳雲霄明月影搖搖
登山捉明月先生不可招

詠聖佛崖

于謙

鑿石成佛巧石內無佛
佞佛是幻象石石是佛
渾堅如佛能有靈石靈
在佛先佛原不在石靈
在人心邊石既能成佛
人何棄聖焉性中原有
聖性上聖無偏天命與
人性何嘗私聖賢忍將
無價珠墮落泥沙淵一
害於詞章再鑿於簡篇
體認敬義字爲聖賢學
全

國朝

麓臺龍洞

陳祖法 邑令

透迤入洞口衣帶盡寒
色竦身入深邃亂雲千
里黑四洞各離奇儼然
如分域北雷處至尊潛
龍爲窟宅古木

橫深澗危梁俯空碧
稍南聯二穴水乳交凝
滴龍齋與澗濟據之司
霖澤東南更深官腥風
朝暮迫日沒萬鬼號
雨來千弩集奔雷與噴
霧鴻濛終古闕茫然驚
飛鳥何從振杖策緬想
月上時皎皎焰寒栗
猛將擁嬌娥新花附古
栢

昌源春水

其源胡甲來北入龍舟
大淙淙更西流勢遠衆
峰背滙合非一源氣象
幻晴晦星漢爛其中清
濁光景碎石壁立巘
屹橫波極西塞白雪何
皚皚天青入煙靄旣無
孟

永興志 卷十五
門險不與淖沱配拳石觸玲瓏
濤流聲淡瀨不特山水
觀十夫特灌溉畚鍤響風雷
桔槔樹旌旆旣荷造化功
隄防使勿壞莫似塞宣房
白馬沉河瀕瓠子歌終哀
桃李漲難退牲牲祀河伯
旱潦祈無害庶幾沮洳場
百川於茲會

幘山晚照

出郭東南望幘山名自昔屈曲入層巒
叢陰覆泉石口入松杉動星辰
來几席巖虛猿鶴啼幽棲高士宅
瞻茲
宿渺景流連在將夕曉霞飛甫散
插插暮練白落日

山陰拍拍舞幽禽
嗚真杳無際雲寒古木深而獨澄秋
色不與月浮沉斜景照林闢餘暉
落衣襟散髮人影亂頓忘天地心
策杖自容與我欲謝朝簪

龍舟夜月

太行插青天枯樹來悲風客行哀
清秋游覽多朦朧徑歷千萬轉
倏與清谿通峰峰不藏雲湧出青芙蓉
女蘿飄蕙帶秋響鳴山蟲寥寥天宇曠
變化窮鴻濛月出動萬山羣象涵碧空
谿禽白如霜深入蘆化叢洞開玉女
窻直如瑤池宮仙人披髮嘯鸞鳳
操絳桐白光搖寒烟

萬里清無窮鳥啼月漸落倒映溪邊松我來落花晚蹠
踐騎青驄寸心寄幽遠何殊上崆峒

高峯積雪

天地渾一色大雪積林邱鳥道橫天險絕壁難窮搜恍
若銀河開立身瓊花樓鳥跡絕枯樹龍氣潛古湫白葦
何蕭颯狐兔幾見游遠村四五家茅屋無烟浮對此晶
心魂竟欲陟之杲何來班馬鳴豪士青兕裘抽弓顧我
笑仰射天西頭太行爲手臂雁門爲咽喉白光吹不斷
紫氣連雲稠邊塞地雄濶長思江南洲簑笠戴漁父獨
釣弄扁舟散髮看梅花烟波長悠悠

故縣龍槐

鳳凰鳴梧桐鸞鷲來荆棘聲名一千載各自矜羽翼一
朝取其材道旁堪嘆息何如輪囷姿千春老顏色青天
絕攀躋俯仰空掩抑城東有古槐當大夫食邑歌舞朝
雲散鳥鵲不欲入桑田幾變更婆娑此樹立仰者如抱
甕俯者如負笈大者如臃腫小者如束濕亞者如瞰淵
伸者如喙粒青蔥蒼鬱中蜿蜒龍蛇集君子花自芳東
籬不堪挹美人色自好風雨嗟何及願言托大樹逍遙

在原隰

雙井古栢

兩聲常相應兩美常相映伊彼深深井雙欄峙深徑老
農資灌溉少婦持釜甌輓轆與瓶縷昏旦爭相並東西
既分源苦甘亦異性取用各有宜分別何足病一栢峙
其中蔭蓋遂分贈蒼鱗與虬髯古貌而堅心俯視清泉
冽仰視古樹陰古樹搖空碧清泉照寒林井水靜不流
源從海宿尋秋聲亘長風樹杪波濤深德隣曾誌美高
下有同音

沙城斷碑

孝婦哭東海能令滄海乾義士五百人捐驅同追歡感
慨萬物理思之常盤桓皎皎秋月明萋萋芳草寒依依
托儔侶百歲相辛酸邊塞苦無食太行高巘岼天涯各
期許日日顧羽翰夫何歎離羣相思絕加餐哭泣碑陰
畔不上高樹巔高樹恐多風何似碑陰安苔蘚久翳
高卧幾千年飛鳴者爲誰願與共九泉鴻死碑已裂
望惟寒烟錦江有寡婦日日金叵羅道旁有主孫哀哀
發浩歌決絕思與義不如鴻雁多

周黨墓

陳時邑令

漢祖握赤符于陵事高尚耕釣富春山
巖蒼蒼雲臺上並世道同揆復有周伯
况家散千金產長安遊何壯託疾杜私
門誓不臣誕妄軒冕等塗泥遊懷齊得喪建武初
被徵三聘勤辭讓賜帛遂賜歸聖明亦我
諒袒褐與羊裘烟霞任開放斯豈釣名人
猶來博士誇春風客人間繁華孰主張千
載一墓存碑碣立如嶂前謁小韓村穆
然肅相向呵護應有神雲山同在望

麓臺龍洞

頌 瑄 邑人

麓臺翠橫空造化秘靈岫神龍窟其中
噓吸殊氣候雲來洞口真雲去山依舊

昌源春水

竹影亂春流古澗尋來遠茅屋隱叢篁
幽人足仰偃我欲溯洄從但恐迷不返

轉山晚照

夕翠躡層嵐亂霞堆覆巒石室生虛明
幽仙此焉憩西日已沉沉東峯忽晴霽

龍舟夜月

前集志 卷十五
蟾影孕纖明偷浴丹溪水靜極含動機道心終不死坎
隱先天鉛秘妙乃如是

高峯積雪

峨峨浮雲端晶晶玉山朗瑤臺十二峯一一絕攀仰永
懷無熱邱御風披鶴氅

古縣龍槐

虛精化蒼龍蟠屈二千歲爲霖慰當時食德到今世婆
娑古樹陰大夫奚所憇

雙井古栢

積翠蔭雙泉怪栢千年古誰知樹根人獨坐閱甘苦脉
絡自分明淵源世莫覩

沙城斷碑

孤鴻啼斷碑碑斷爲鴻死鴻既不獨生碑亦非自毀君
看沙城碑血痕漬石理

明

沙城斷碑

劉銳

沙暖荒城日孤鴻失偶時矢心直效死引頸苦投碑鴻
力微碑爲折鬼神監鴻泣天地悲鴻節君不見投崖與

斷臂皎皎蒙貞潔又不見剖心與斷舌耿耿秉義烈忠
臣烈女無常見惟有鴻孤死節堪奇絕嗚呼衰草起寒
煙子規淚血啼空山秋風吹殘月高樓夜雨鳴胡笳落
日沙城慘暮雲年年北鄉羣鴈相與招忠魂

國朝

八景總詠

陳祖法 邑令

何地不生佳山水何人不思誇靈傑八景之名始蕭湘
後此紛紛欲比絮昭餘綿亘百餘里披圖亦自矜奇絕
高峯千仞璀璨銀光縞衣白紵神仙列春泉屈曲無迴瀾

垂錢擲戈同截鐵龍湫風雨氣陰森雁陣苔蘚色清徹
宛如貞女素袂懸儼然猛將霜劍掣歸鳥歷亂樵歌還
返照一點幘山穿須臾明月清光繞夜半龍舟倍清妍
孤槐婆娑斧斤絕食德美蔭感昔賢古栢參差覆雙井
汲綆携缶相回旋予來探奇令茲土簿書鞅掌逢迎苦
難從山水發奇情山水或者遲明府遙憶故鄉果孰多
何日閒情隨牧豎

題戴楓仲丹楓閣圖

王士正

我行曾過昭餘邗匆匆未訪丹楓閣昨來宛見茲閣圖

雲氣憑空何綽約丹崖翠壁紛窈冥飛瀑驚流亂迴薄
列仙之儒形甚癯或曝南榮或六博閣前遠近香楓林
葉不搖風自榮落君言此境夢得之是想爲因理難度
不能隨汝巢神山詰曲人間有何樂我昔扁舟客楚蜀
月明屢向楓根泊寒猿晴鳥相間啼峽雨江雲亦時作
羈愁一夕生白髮迴首十年驚夢噩君胡愛此入魂夢
楚客春心逝安托不然千歲化羽人未用神皇一丸藥
不然卽夢楓生腹辦作玄真致非惡身棲京洛談蓬壺
警過屠門空大嚼與君更期汗漫遊下瞰崢嶸上寥廓

爲戴楓仲題丹楓閣

施閨章

掉頭苦愛青山住擔簦偶踏長安路眼前突見層雲陰
盤空草閣巢楓樹關西耆舊不離口華岳三峰擎在手
老楓相伴寒不枯肯許風霜落葉無

戊辰季夏喜雨

三章之一

簡日升

邑令

天其雨天其雨天不雨兮空我庾園屢焚如歲且饑慎
悒何能穀士女暴尪焚巫笑魯僖除壇禳醮祝神祇足
跣頭蓬麓臺去窮黎那更惜膚肌我迫欲爲民請命徒
步禱求毋不敬春耕夏耘閱幾時省躬懼災神威應上

大原不酷生靈蚩虺驅逐沛商霖誰敢貪天爲已力惟
將仁愛謝蒼旻

天聖鐘行

在縣署大門譙樓宋
仁宗天聖二年造

陳時

邑令

縣衙譙樓辟邪懸天聖二年鳧氏鑄質色陸離字半存
春秋今餘七百度北宋是時當昇平不窳不樛太和布
噌吰謾擬無射同底事龍文虎章具鐘聲還逐漏聲長
漏甕鐘起亦甕住邠邑更漏起
止以鐘爲節警人尤在夢覺關蒲牢
一擊振雲樹修輯舊乘拾闕遺嗜古之癖更沉痾大鑪
在列人未識摩挲獨深鼎彝慕

張果老石洞

頡煥章

邑人

南走條山北恒嶽驢背往來一何數溫風半嶺憇仙踪
古洞千年無斧斲繫驢洞口留蹄痕壁上石樞今猶存
飲泉齧草恣遊戲碧莎映水穿雲根翠水三山隔煙霧
道人自有壺天住何緣策蹇來此間頗近紅塵無乃悞
不信仙家怕寂寥東隣有女妙垂髻種園人作吹簫客
佳婿何嫌白髮飄懶去蓬萊住城市乞食偷桃類如是
藥瓢破帽游人間誰信丹成終不死開元天子重仙才
遣使頻招鶴駕迴不尚主家遽仙去崑形立觀奚爲哉

作帝侍中亦怪事遠閱光陰幾百世和璞鑑人術已窮
夜光有眼不能視神人隱顯人莫知上天下淵從所之
孰與深探造化窟語秘不傳徒爾爲昔年曾訪黃花洞
流水夕陽空目送今年又到仙南嶺笛聲吹破浮雲影
舉杯欲飲幾徘徊聞說先生蛻去也常來

唐

過王右丞書堂二首

儲嗣宗

澄潭背卧龍章句世爲宗獨步聲名在千巖水石空野
禽悲灌木落日弔清風後學攀遺址秋山聞草蟲

萬樹影參差石牀藤半垂螢光雖散草烏跡尚臨池風
雅傳今日雲山想昔時感深蘇屬國千載五言詩

明

春日遊栢谷山寺二首

朱程堯

潘定王

臘屐堪乘興徘徊捫薜蘿天臨丹嶺近山入白雲多鳥
道無方軌龍湫有暗波何時值野老長嘯出重阿
天外聞清梵晨光滿翠微杖藜蒼蘚滑斲藥紫參肥松
偃雲垂葢花分露濕衣一僧能話古去住轉忘機

太原道中

王世貞

和果志 卷十五
盤陀十二驛驛似西川畢竟中無地還疑內有天居
民同伏鼠宿客傍棲鷲不待蟬聲苦秋霜向髮邊
不斷峯巒色何由見晉陽傍山兔三穴入地鼠千倉頂
爲泉奔瘦牙因棗熟黃吾兒莫相笑風俗古陶唐
國朝

憤山晚照

周繼芳 邑人

中峯一徑分盤折上幽雲夕照前村見秋濤隔岸聞長
松標古岫疎竹動微醺自愛蘇門嘯懷賢事不羣

王允京

張鳴騶

王佐才名早汗青表立功報君千古事許國一腔忠氣
吐虹霓影魂歸漢業空墓門何處掃懷古嘆英風

祁縣道中是日馳驅百餘里

魏允貞

顛毛日以短行路日以長一夜霜華白千村木葉黃客
心轉無賴王事不遑將回首漳河曲秋雲護草堂

答戴二楓仲見懷兼申別緒五首 李因篤

朔雪天無際春風客正愁故人書遠及戎馬問遨遊自
隔三關道難登百尺樓接塵懷往事飄泊淚長流
彩筆題佳句班衣念薛蘿猶虛弧矢飲不忘脊令歌渭

水非清瀆汾川且碧波修名俱老大志緒莫蹉跎
漢室聞遺老君爲築草亭海山方轉闢天地此傳經水
入昭餘白春開綿上青西河舊風味更許一楊舂
爲訪南州逸深憐北地翁鄧攸沾老淚阮藉失同風夏
樹微休馬河陰捷轉蓬相期唁幽壑金石慰途窮
昔是平原客還同絕塞觴江魚財一寄嶺鴈只孤翔官
薄捐妻子材違冷棟櫟從君留浹日細與論行藏

祁奚祠

陳時 邑令

大夫明德遠千載致精裡舉善心無我分曹譽在民邑

名從氏古廟貌易時新不作雲州吏徒爲嚮往人

宿西岩寺

陳時

心愛西岩寺頻來却暫留開窻看月上倚枕聽泉流戶
靜寧雞犬途衝走馬牛一官慚未稱那敢賦優游

溫飛卿故里

喬煌 邑人

一代風騷將才華絕後塵誰傳乾牒子君是不羈人佇
僚還憐蔡胤零更弔陳同鄉曲學者真藁許相親

明

過盤陀鎮

于謙

羣峯行盡是盤陀小徑紆迴亂石多風約間雲難作雨
渠分流水不成河開門野店羣雞唱花發春山百鳥歌
一段好懷無處着令人對景費吟哦

麓臺龍洞

劉銳

南望層巒倚翠臺孤峯挺矗肖飛來清宵豁落千岳月
龍壑豁舒萬里雷霆氣時蒸十日雨瑤光常現五雲迴
邠民無俟桑林禱洞口龍吟旱魃回

嶺山晚照

劉銳

峭壁巉岩繞翠微一山掩映萬山圍峯巒也向雲霄出
雨露還蒙草木菲荒岵斷猿悲白晝平林啼鳥轉陽暉
恩光莫訝沾衣晚先到樓臺今始歸

龍舟夜月

呂師賢
邑人

龍舟橫帶嶺山東水勢滔滔湛碧空幾樹晴嵐浮遠岫
一輪明月麗高峯光搖雲漢隨人轉影射樓臺到處同
謾道清暉終夜好年年還似仲秋中

高峯積雪

徐文泌
邑令

曉來杖策步巍巔始信龍峯別一天玉馬銀獐時掩映
蘆花柳絮日鮮妍四郊快靚謝家樹百里欣瞻雍伯田

補遺志 卷一五
可是化工應有意故教三白表豐年

祁城懷古

原堂 邑人

城郭遷移數百年芳基勝址尚依然
雨餘雉堞分明現月霽譙樓蕩漾懸
禪塔頂磨霄漢古湯祠地湧海根連
夜來騎鶴飛仙過笑指當年舊市塵

二百八日續經閣定祁卷賦以興士

文翔鳳 提學

河汾自表素王樓莽有行雲過則收
每挾元經臨曉日或沿中說度新秋
興酣歷品三千卷情至齊懸十二節

青眼太空聊放曠人豪誰與步風流

題祁邑察院壁

袁繼成 提學

一官蕉夢笑三刀萬里孤征舊葛袍
序接新秋晴暑烈天隣絕邑暮風高
雲瞻遠樹人懷狄檄捧長驅事愧毛
老去衣冠看骨立蒼生誰起爲心勞

弔叅將張平山

詹榮 撫軍

硯席曾同二十年宦蹤離合總相牽
雲中百戰論功後閩外孤忠獨爾先
褰革已酬當日志遺編真與萬人傳
沙場折戟重尋處痛哭西風咽暮蟬

周黨墓

胡希顏

會憲

漢帝宸聰萬里瑩中興無日不延英王良仕路何如重
伯况功名自是輕黃綺本非逃季世夷齊誰謂務虛名
停驂借問不賓志芳草年年傍墓生

蒙山烟雨

麓臺一名蒙山

喬宇

俯瞰荒原一掌平亂山迢遞走西東路盤絕頂羊腸險
勢壓層城虎踞雄冉冉輕烟浮遠碧霏霏零雨下空濛
高虛合是神靈地父老年年祀禮同

雨過花香落澗泥遠尋樵逕記還迷吟躋絕巘開蒼霧
笑倚危榭拂翠霓下界俯看千壑迥半空遙指萬山低
紛紛塵世何爲者忙逐昏鴉共曉鷄

過蒙山次郭伯瞻韻

澗谷盤迴帶峒岫直從飛磴跨蒼旻雲驅野色千驥馬
峰疊晴光萬角麟雄飲詎知樽有盡捷才誰說句無神
鏡湖一曲皆君賜高尚何如賀季真

國朝

祁縣飲酒

王士正

種秫常思住醉鄉葡萄未肯博伊涼柏浮便可稱名士

滌劍真須號渴羌投老欲從田父飲開封聊對馬軍營
滑稽莫作鴟夷笑無計忘憂只杜康

祁縣訪戴楓仲見其子永豐令記知以壬申歲逝
矣輓之一首

麓臺山畔已深春侯甲河邊起暮塵耆舊百年誰碩果
江湖萬里慣勞薪楓丹笠澤思漁父草綠昭餘酌故人
一笑猗歌揮手去嗟來桑戶返於真

麓臺龍洞

楊振藻

邑令

天際嶺岈聳麓臺鏤空山骨浸蓬萊木梁架處風常吼
石乳垂時雨欲來獨座神居司保障分符龍種現菴穉
蘊隆歲歲沾靈澤老稚携瓶拜舞回

嶺山晚照

上幘偏同下幘連雙峯結就蔚藍天林深白愛晨暉曙
岑寂還宜晚照懸高嘯考槃多逸士徵心古刹起幽僊
山陰簾底垂清晝朏望層巒紫煙

八景總咏

許鴻程

邑人

絕頂凝寒玉屑危

高峯積雪

水清風浪泊天來

昌源春水

潛虬出

谷雷聲震

麓臺龍洞

貞鴈啼紅石刻摧

沙城斷碑

遲上蟾光輝碧

澗龍舟斜穿日影入空峽嶺山蟠蛟曲曲荒城樹故縣

陸覆雙泉派不開一井

嶺麓臺祠

李而洵邑人

屹然獨擅一方雄
洞曲離奇未可窮
翠巘插空堪落雁
錦泉穿澗已成虹
爆沙如獲夷陵石
沛澤旋沾少女風
莫道子遺無篤誼
年年功與禱桑同

劉思齋游麓臺山以記見示并錄壁間張中宿先

生詩步原韻即呈太乙思齋 王綬

麓臺青峭白雲頭
杖策高閒羨此游
石起疊峰何處是

巽常名澗密初留
欣看萬壑千岩記
幾上上城南縣北樓
失却龐公存守黑
壁間題句細凝眸

祁縣有懷溫飛卿 殷嶧

金荃一冊傍紗籠
照字燈花異樣紅
名滿苦遭當路忌
官卑長以浪游終
憐才幾見如饑渴
觸諱真宜致阨窮
不讀南華非害事
肯隨文士校雕蟲

王允墓 陳時邑令

漢祚當年一綫存
老臣宏濟答君恩
朝廷恃我寧求免
社稷無靈竟絕援
悵望長陵悲落日
空餘秘器賜東園

停驂隴畔歸途晚杳靄寒烟鎖墓門

宿西岩寺

兩載風塵鬢皓然勞將拙補豈能賢
遙村閨寂初鳴柝古道塗泥慢著鞭
訪軼欲憑詩作史時修輯邑乘牧民違詔
吏如仙西意剪燭同僧話斜月疎鐘尚未眠

贈東觀鎮任君丕烈

兩棲一似鄭公鄉儒服儒冠壽且康
顧我風塵勤補綴羨君林壑問行藏
兒孫繞膝春暉永鷄黍留賓道味長
彈指期願昭國瑞綸音寵錫姓名香

昭餘八景

簡日升

邑令

凌虛臺閣洞雲開春水桃源湧翠來
舟楫晚搖龍沼小雪峰晴放玉林梅
殘碑慘說哀鳴鴈故縣芳傳舊種槐
一栢陰垂雙井異夕陽紅照幘山隈

麓臺龍洞

簡日升

邑令

未入昭餘境巋然見麓臺莽蒼籠絕巘
崩劣起層隈野馬乘雲走神龍致雨來
谿訝池水濶空曠笋芽排直擬尋源入
欣爲弄日回凌虛光四射眼底卽蓬萊

龍舟夜月

一水盤陀曲蜿蜒龍作舟有濤如積石無浪卽瀛州噴
沫摧山谷涵虛映斗牛濯纓人浴日落影雁橫秋載酒
思元度臨溪憶子猷更疑逢八月王粲興登樓

昌源春水

冽洑來胡甲迤流過子洪沿堤翻柳浪觸石激蛟宮馬
走祁城北湍飛汾水東漣漪晴浴日滂灑氣如虹修竹
描摩詰深渠悅鄭公年年二三月槎泛女牛逢

嶺山晚照

突兀凌霄漢噴岈俯澗溪也宜朝旭上多愛夕陽西虛
壑涵歸鳥危峰表測圭茶烟烹暮靄劍氣吐青霓盤谷
爭明晦名山任品題幽光長不夜躡步躡丹梯

高峯積雪

峭壁聳琅玕漫空積粉團千年看皎潔百里識噴岈不
與羣峰並常於夏月寒梨花堆玉屑柳絮落珠盤溽暑
疑無着炎威溼不干何人披鶴氅長嘯倚雲端

雙井古栢

鑿飲歌堯壤栽培付化工往來瓶縞續下上鮒禽通古
栢垂餘蔭荒郊任漑功轆轤齊轉月枝葉獨吟風雨美

應相合雙泉迥不同從來殊臭味物理總難窮

故縣龍槐

憑弔并州古悠然景昔賢縣名猶襲古槐影尚爭妍映
日枝逾茂經霜質更堅風來虬爪振月挂頷珠懸永與
甘棠並休將散襟傳雲龍常作睹噓氣直參天

沙城斷碑

渺渺平沙暗嗷嗷孤雁飛鳴聲哀欲絕顧影是也非夜
雨丹砂積秋風黃鶴磯苦心曾裂石嘆血尚沾衣羽族
扶忠烈弋人貪險機貞珉長不朽終古弔林霏

明

廿一年擬解再經備卷夙興語最因與同志善之

祝 徽 按院

無心希速化有志學常惺花發寧虛夢雞鳴豈惡聲

唐

王僧辨

孫元宴

彼此英雄各有名石頭高臥擬爭衡當時堪笑王僧辨
待欲將心託聖明

明

麓臺龍洞

傅山太原

麓臺洞口樹冥冥老栝長松響不停龍去深林風雨黑
龍歸雨歇滿山青

昌源春水

昌源竹子臨春水鏡裏雲梢焰影勞若得才人似長古
不妨斫取寫離騷

沙城斷碑

夜半沙城月黯然秋風雙鴈影連翩杜鵑不解相思死
口血空啼二月天

昌源春水

武尚綱邑人

遶澗飛流接野灘波翻晴雪蹴橋寒農家贏得勤生計
灌溉良田兆歲安

昌源春水

胡庭西河

沮洳流澌春澤開分花界柳絡山隈若非織女機邊出
會自桃源洞口來

幘山晚照

蜀王石鏡懸金馬蜀女烟鬟界玉繩野寺山僧眠乍覺
隔林疑認佛龕燈

高峯積雪

隨意竟陵烹雀舌天然摩詰寫芭蕉暖因怕種紅塵果
故遣炎蒸雪不消

沙城斷碑

片石亭亭倚路岐秋風猶是鴈來時一篇無字蓮花藏
半截曹娥孝女碑

龍舟夜月

別之恒 參政

河漢無聲天氣清東山矗起驟雲平誰憐世局如長夜
故遣蟾光晦日生

高峯積雪

西竺繇來著雪山六花凝玉謝躋攀而今晉地清涼甚
六月寒生雪亦頑

故縣龍槐

晉賢邑趾近花封喬木當年欲化龍蟻垤可能緣突與
南柯夢破日高春

雙井古栢

地脉相連味獨殊漫將格物叩通儒蜀中亦自分鹽火
一葉同源事有無

沙城斷碑

沙磧依稀舊築城，鴈聲絕處斷碑橫。
峴山多少憐才淚，又見西郊羽族名。

過盤陀鎮

玉瓊 尚書

望入南山一徑開，幾家亭館白雲隈。
誰言此去艱危甚，宋祖驅兵馬上來。

龍洞

李崇義

陰陰石洞玉龍盤，歷歷岩泉雪乳寒。
紅葉滿庭山鳥寂，夜深明月倚闌看。

國朝

題馮仙湜畫贈戴楓仲

王士正

何處神遊杳靄間，楓林曲曲水潺潺。
一峰雲外青於染，箇是君家舊幘山。

幘山晚照

戴王命 邑人

幘山高矗凌霄漢，緩步登峰拄杖藜。
不夜初疑明月上，餘暉却是夕陽西。

詞

唐

別銀燈

小院煙深細雨正好懽懽春睡
驀被金枝連推繡枕報到皇都書至
良人得意集英殿首攀仙桂
斗帳重襟驚起斜倚屏山偷喜寶
髻慵梳香箋折破果見中高高
名第秦樓十二知他向誰家沉醉

嘉靖癸丑秋九月余家書院園中掘得一枯骸藉一琉璃枕上書剔銀燈詞詞尾題宣和歲次癸亥月吉且子東仲美書更寫一囹花押此瘞於五百年之前及今廢露其時若有待者甲寅三月爲之移葬城東

原古枕仍殉之云某月望日閭繩芳記

附潛刻右丞墨蹟有歌

并引

無名氏

王右丞維因其父官司馬徙家汾州然實祁人也我明萬歷間祁閻氏築宅忽地陷得髑擱宛然中有甕枕枕上有剔銀燈詞乃右丞夫人聞金泥喜信作也其邑人無言李公嗜古之士憫然有水流燈焰之感倡祁上同志歛錢改厝焉公乘令潛告予故且刻其墨蹟予以爲右丞栖神禪蛻施莊報母發心豈却願爲佛門伽藍想於生平詩畫風流舉在幃中當時凝

碧池鬱輪袍已蕩然如夏鴻冬燕何知所在且妻亡
孤居者三十年卽有金泥喜信此夢幻之尤可笑者
而嗜古如李大令寶其殘骸遺枕重封馬鬣愛其枕
中詞如香奩新詠纔脫諸口方將傳爲逸事美談拾
之惟恐不盡也天地間詩書風流機倪蹤影其連屬
後世人與造化相持所謂貽所不知何人獨此物有
神焉卽右丞焚香寂照時亦不能使詩書風流化爲
月光童子一泓空水而予與李大令古墓荒草閣安
能澹不生情也大令豈直爲鄉人徬徨耶于是譚子

爲之歌右丞移家河東去祁人想像空知處魂依畚
土失前和出隴新詞香風曙重壑盡蝕土花好素斃
作枕金石保我欲高歌剔銀燈喚起維摩禪心早

戴廷栻曰按孟元老東京夢華錄記大內宣祐門外
西去爲紫宸殿次日文德殿次日垂拱殿次日皇儀
殿次日集英殿注御宴及試舉人於此據此則集英
殿自是宋時殿名且宣和又是徽宗年號何以遂傳
爲摩詰夫人事景陵亦冒冑賦之耶再檢宋選舉志
宣和次歲狀頭又非祁人博聞詳考以俟後之君子

明

踏莎行

贈一泉郭公

李恕

半畝方塘數椽茅屋窻前對却蕭蕭竹安樂窩中幾卷

書希夷軒睡三竿足 興動吟詩樂歌曲閑時散步遊
盤谷惟知谷我氣和神丟却人間榮與辱

錦堂春

胡公適爲賦所害
妻王氏久節守義

張 鉞

嶺嶺三冬嚴雪龍舟徹夜驚
流昌源春水清如許掩映
照孤孀 慷慨從容兩得義
夫節婦同芳從余姓字傳
青史萬古植綱常

國朝

桃源憶故人

祁縣登樓作

朱彝尊

高樓百尺誰家院靜鎖葳蕤
春晚可惜鰾鬚簾卷只是

無人盼 登樓搔首斜陽滿
風起落花如霰可惜鴉兒
酒煖只是無人勸

賦

明

遊水神溝賦

原 堂

邑人

城市日羈泉石煙霞之味久不沾
已庚午之秋八月五日挾圖史携盤榼攬
管水神之溝偃仰禪關之上瀝綠
醕之三盞閒浮生之半時聽山腰青鳥之鳴
翫草砌流泉之出迤邐南步轉東北折則方井之壺天
葢宮之金

闕盡棟飛南浦之雲朱簾捲西山之雨鐘磬不擊自聲
花卉人所罕見縱目騁心野懷暢舒盡不知天上有闕
苑海上有蓬瀛也已而琳谷紅垂僕夫催歸禪關主人
捧硯立左揖而言曰明公吾邑文士是來也不留半墨
隻字題詠則溪澗之幽勝無自表見而水神山靈之望
亦辜負矣茲願竊有請也坦菴子忻然躍出拍天而笑
倚風而歌之歌曰聿水神之深溝兮蓄趣漪那仰孤峯
之高聳兮霄漢相摩俯平泉之灑澗兮滾琉璃之碧波
灌芳蘭之九畹而馨香篆篆其上騰兮引羣仙之吟

殿閣榭臺參差掩映兮皆雲龍之行窩僧栢松枝行樹
搖婆娑之清影兮曾夜月之陰多跨高峯撼闔闔向廣
寒而笑問兮嫦娥在麼屈指吾祁近挹山麓之勝境兮
此當第一羨吾今日來遊之嘉遇兮惜此日之易過僕
夫促歸不歸兮其將奈何乃歸興兮其未闌而禪主兮
以轡意曰驪駒兮栖遲且莫騁兮歸轡美景兮難求良
辰兮鮮際茲萬寶之告成值天時之晴霽况乎坦公懷
才而不得志掛冠而不樂仕睥睨四海驚放一世無榮
無辱無拘無繫則茲溪澗之間雖盤桓乎數日其誰云

乎不可古者聖哲與木石居與鹿豕遊蓋達人之大觀
顧何我之非物亦何物之非我坦菴子感禪主之言揖
謝揮手送之而去方將掬泉而飲枕石而卧鼯鼯而酣
山林之清夢寤覺而既曉斯之上薄振衣濯纓咏哦而
歸而月又印乎前溪矣

周黨墓賦

頡煥章

邑人

昔炎祚之中興兮佐命感會於風雲振英威以答靈呪
兮神旌指而新都自焚遽掃關河之重擾兮旋靖梁趙
之紛紜靈慶啟而同文兮思賢輔以左右貴相望於

阿兮恐幽人之不我覩慨箕山其類兮悵北海之老蒼
容星堅卧而不起兮儒仲躡隱而不就舉世競逐夫浮
利兮何乃肥遯而自甘豈硜硜者之沽名兮信道腴之
可酬若君直之先見兮立義不與帝友獨默然以自貴
兮且散髮而狂走此皆介性之所至兮遠囂埃以蛻蟬
溯芳躅以周章兮浩茫茫而四顧繼余馬於小韓兮方
踟躕以野步尋笛韻以前詢兮牧人導我以先路林籟
發而悲風兮草珠翻而泣露飽閱世代之推移兮霜松
脫落而無枝貞心猶挺夫勁直兮倘神靈此焉寓留不

死之舊鄉兮還大造之所付遺委形於荒邱兮繁蔓草
之宿霧嗚呼自漢迄今千五百兮彼樵牧之人迺若相
知之有素曰此漢隱士周黨之墓也固知夫子所自蹈
兮得秉堯之同然洵至貴而無加兮何俗累之可緣憶
始辟爲議郎兮遽謝病而遠引旣散產以周族兮復遊
學而不自吟嗣帛旌之三至兮不得已而就車巾穀皮
而衣褐兮曾不少改乎厥初伏殿陛而陳辭兮竊願長
守夫故吾也不敢謁以私干兮國家何取此濫竽也感
堯仁之如天兮放孤雲以自飛謂士區有不賓兮厚賜
帛而許歸嗟始愿之不違兮忽復返吾故里濤浮雲而
不顧兮棄軒冕其猶敝屣曠道遙以自得兮固將遊乎
一氣之所始是其身雖窮兮道終古而不窮形雖死兮
神至今而不死彼夫表墓首而亭之兮思名賢而慨然
溯有道之風流兮恨不同舟而共仙掛辟書於樹間兮
窮老蓬室而不吟紛紛欣欣其獨樂兮謝東觀而玩羲
編夫何後來之慕義兮不讓前賢以專美益嘆夫子之
高蹈兮早扇清風於繼起追飲牛之上流兮友商山之
角綺行採藥於麓臺兮不釣名於潁水洵建武之畸人

兮障東流而作砥振頑懦於百代兮固世道之所恃越
宇宙而獨存兮乃無愧乎聖王之旁求而得逸民之素
履歌曰嶺山兮舊遊瀟空翠兮煙浮望古人兮不可求
窈叢蘭兮白幽夕照兮荒邱

祁縣志卷十六

祁縣知縣陳 時編輯

祥異

洛書言天五行人五事至念用庶徵則天人氣機相
感召休咎時恒若影響歷代五行志所由昉也晉中
郭璞李淳風劉義叟輩皆善言法象災異今受其傳
者蓋鮮孔子作春秋書災異而不及徵應天道遠而
人事邇體微會指修德省愆斯爲明乎天之道而察
於民之故也夫志祥異

晉

武帝泰始元年十二月白龍二見太原祁

宋符瑞志

北魏

肅宗熙平二年十一月己未并州表送祁縣民薛僧真

女令姬從母右脇而生靈太后令付掖庭

魏書靈徵志

元

成宗大德七年八月辛卯夜太原徐溝祁縣及汾州平

遙介休西河孝義等縣地震成渠泉湧黑沙

五行志 十

一年八月文水平遙祁霍邑水

元史

明

成祖永樂三年祁縣紫紅都民王文義家馬生龍駒

英宗正統六年大饑

憲宗成化八年七月榆次太谷壽陽祁縣雨雹傷禾人

相食

武宗正德七年黑省見旬餘始息十四年瑞穀一莖四

地 舊縣志麥秀四岐

世宗嘉靖七年五月雨雹傷麥 八年六月螟蝗食稼

九年大饑 十二年五月空中有聲如雷隕一石

狀如犬首十月星隕如雨光若火天盡赤是年大饑

十五年夏蝗 十六年春正月二日地震 二十

一年縣東南十里小韓村平地湧泉七月朔日食既

風霾晝晦 二十二年夏令鎮王廷臣妻康氏一產

三男 二十三年大水傷稼郭村王世有妻李氏一

產三男一女俱成 二十四年太旱自四月至七月

不雨 二十六年雨雹大如鷄卵傷稼 二十九年

夏四月八日風霾晝晦 三十四年十二月十二日

夜地震修善村薛明妻李氏一產三女 三十九年

饑 四十年大饑人食草木 四十一年大稔 四

十五年夏蝗秋霜傷稼

隆慶三年六月黑眚見兩月而息 四年冬木介 五

年夏雨雹傷麥七月暴風雨拔樹是年疫 六年五

月風霾晝晦如夜地震有聲

萬歷四年七月二十四日雨雹大如鷄卵傷屋瓦野獸

八年疫 九年大疫 十年三月七日風霾晝晦

十三日地震有聲自二月至六月不雨六月一日日

食十八日雨雹猛風拔木 四十七年四月風霾晝

晦

國朝

順治二年地震三次 三年蝗 四年夏六月二十二
至二十七連日飛蝗蔽天長亘六十里濶四十里集
樹枝幹靡靡委垂或爲之折是年大饑賑之 五年
大水傷稼 七年十月朔日食既 八年夏五月雨
雹大如拳秋杏復花王村都王正名妻孫氏一產二
男一女 九年夏霖雨四旬餘水溢漂沒田廬蕩徙
林木六月大雨雹山禽死者蔽流而下秋杏復花
雍正元年平定壽陽沁溝祁縣饑

詔內閣學士田文鏡會同巡撫賑濟

乾隆三十四年六月十七日大風拔木 四十二年四

月初七日地震

雜紀

志有雜紀近於稗編小說家言故王仲德壇祀白狼
王仲翔射仆朽木雖事載正史不入本傳若溫夫真
之制母服議耐配王文康朝會分東西班皆有闕典
制然文畧而義類無附亦列之雜紀備缺事也他如
溫王族系及鵬舉摩詰輩逸蹟韻事并爲摭入以供
菀苑塵談焉志雜紀

祁姓太微音帝堯伊祁之後祁氏有三晉獻公孫英食
采于祁遂以爲氏又隰叔之後又黃帝後祁與祈通

祁夜覆姓英賢傳祁大夫之後

續祁覆姓姬姓晉熙叔之後與士氏同族祁奚舉子午

自代父子相續爲政因氏

漢溫疥封梅侯孫何始居太原祁縣何十四世孫晉江

州刺史始安忠武公溫嶠從子楷隨桓謐奔於後魏

太原王氏世居祁縣後徙平州至縉從侯希逸南遷居

河內溫縣子智興宣武節度使太和初以破李同捷

勲封雁門郡王

烏九王氏霸長子殷後漢中山太守貪邑祁縣五世孫

允懋懋七世孫周後魏度支尚書護烏九校尉廣陽

侯因號烏九王氏生神念

晉建武元年以溫嶠爲散騎侍郎嶠以母亡值寇不臨

殯葬欲營改葬固讓不拜元帝詔曰溫嶠不拜以未

得改卜葬送朝議又頗有異同爲審由此邪天下有

闕塞行禮制物者當使理可經通古人之制三年非

情之所盡蓋存亡有斷不以死傷生要經而服金革

之役者豈營官邪隨王事之緩急也今桀逆未梟平

陽道斷奉迎諸軍猶未得徑進嶠特一身於何濟其

私報而以理闢自疑不服王命邪令三司八座門下
三省內外羣臣詳共通議如嶠比吾將親裁其中於
是太宰西陽王羨司徒臨頓公組驃騎將軍卽邱子
導侍中紀瞻尚書周顛散騎常侍荀邃等議以昔伍
員挾弓去楚爲吳行人以謀楚誠志在報讐不苟滅
身也溫嶠遭難昔在河朔日尋干戈志刷讐惡萬里
投身歸赴朝廷將欲因時竭力憑賴王威以展其情
此乃嶠之志也無緣道路未通師旅未進而更中辭
王事留志家巷也以爲誠宜如明詔於是右司奏曰

案如衆議去建武元年九月下辛未令書依禮文
喪未葬惟喪主不除以他故未葬人子之情不可居
殯而除故期於畢葬無遠近之斷也若亡遇賊難喪
靈無處求索理絕固應三年而除不得故從未葬之
例也若骨肉殲於寇害死亡漫於中原而繼以遺賊
未滅亡者無收殯之實存者又闕於奔赴之禮而人
子之情哀痛無斷輒依未葬之義久而不除若遂其
情則人居無限之喪非有禮無時不得之義也諸如
此皆如東闕故事限行三年之禮畢而除也唯二親

生離吉凶未分服喪則凶事未據從吉則疑於不存
心憂居素出自人情有如此者非官制之所裁今嶠
以未得改卜奔赴累設疾辭案辛未之制已有成斷
皆不得復遂其私情不服王命以虧法憲參議可如
前詔嶠受拜重告以中丞司徒諸如嶠比者依東闕
故事辛未令書之制嶠不得已乃拜是時中原喪亂
室家離析朝廷議二親陷沒寇難應制服不太常賀
循曰二親生離吉凶未分服喪則凶事未據從吉則
疑於不存心憂居素允當人情元帝令以循議爲然

太興二年司徒荀組云二親陷沒難萬無一冀者宜
使依王法隨例行喪庾蔚之云二親爲戎人所破存
亡未可知者宜盡尋求之理尋求之理絕三年之外
便宜婚宦後嗣不可絕王政不可廢故也猶宜以哀
素自居不豫吉慶之事待中壽而服之也若境內賊
亂蕩平肆眚之後尋覓無蹤跡者便宜制服

晉書禮志

驃騎將軍溫嶠前妻李氏在嶠微時便卒又娶王氏何
氏並在嶠前死及嶠薨朝廷以問陳舒三人並得爲
夫人不舒云禮記其妻爲夫人而卒而後其夫不爲

大夫而附於其妻則不易牲妻卒而後夫爲大夫而
附於其妻則以大夫牲然則夫榮於朝妻貴於室雖
先夫沒榮辱常隨於夫也禮記曰妻附於祖姑祖姑
有三人則附其親者如禮則三人皆爲夫人也自秦
漢以來廢一娶九女之制近世無復繼室之禮先妻
卒則更娶苟生加禮則亡不應貶庾蔚之云賤時之
妻不得並爲夫人若有追贈之命則不論耳嶠傳贈
王何二人夫人印綬不及李氏

元和七年太學博士
韋公肅議鄭餘慶私

廟二夫人附配曰謹按晉驃騎
三妻疑並爲夫人以問大學博士陳舒舒議以妻雖

大將軍溫嶠相繼有

先後榮辱並隨夫也禮附於祖姑祖姑有三人則各
附舅之所生如其禮意三人皆夫人也秦漢以來諸
侯不復一娶九女既生娶以正禮
沒不可貶自後諸儒咸用舒議

劉淵左部居祁

晉載記

苻氏末祁縣王仲德戰敗與家屬相失路經大澤困未
能去卧林中有一小兒青衣年可七八歲騎牛行見
仲德驚曰漢已食未仲德言飢小兒去須臾復來得
飯與之食畢欲行而暴雨莫知津逕有一白狼至前
仰天而號號訖啣仲德衣因渡水仲德隨後得濟與
兄叡相及復棄翟遼奔太山追騎急夜行忽見前有

前集志 卷一
猛炬導之乘火行百餘里以免後臨徐州於彭城立
佛于作白狼童子像於塔中以在河北所遇也仲德
卒亦於廟立白狼童子壇每祭必祀之 南史

北魏熙平初中尉東平王匡博召辭人以充御史同時
射策者八百餘人溫子昇與盧仲宣孫搴等二十四
人爲高第於時預選者爭相引決匡使子昇當之皆
受屈而去搴謂人曰朝來靡旗亂轍者皆子昇逐北
遂補御史 後魏書

王叔玠居郡從文中子求續經文中子曰叔父通何德
以之哉玠曰勿辭也當仁不讓於師况無師乎吾聞
闕朗之筮矣屯否之後當生太賢世習禮樂莫若吾
族天未亡道振斯文者非子誰與遂受業焉 中說

王績高祖武德初以前官待詔門下省故事官給酒日
三升或問待詔何樂耶答曰良醞可戀耳侍中陳叔
達聞之日給一斗時稱斗酒學士貞觀初以疾罷復
調有司時太樂署史焦革家善釀績求爲丞吏部以
非清流不許績請曰有深意竟除之革死妻送酒不
絕歲餘又死績曰天不使我酣美酒耶棄官去自是

大樂丞爲清職追述革酒法爲經又採杜康儀狄以
來善酒者爲譜李淳風曰君酒家南董也所居東南
有磐石立杜康祠祭之尊爲師以革配著醉鄉記以
次劉伶酒德頌其飲至五斗不亂人有以酒邀者無
貴賤輒往著五斗先生傳 王績傳

王無功被召謝病詩橫裁柔節杖直剪竹皮巾鶴警琴
亭下鶯啼酒甕春顏回唯樂道原憲豈傷貧 西清詩話

王右丞維工人物山水筆意清潤畫羅漢佛像至佳平
生喜作雪景劒閣棧道廡岡曉行捕魚雪灘村墟等

圖其畫輞川圖世之最著也蓋其胸次瀟灑意之所

至落筆便與庸史不同 畫史

王維居輞川宅宇旣廣山林亦遠而性好溫潔不容浮
塵日有十數掃飾者使兩童專掌縛帶而有時不給
洛陽要記

王摩詰貯蕙蘭用黃磁斗養以綺石累年彌盛得宋之
問藍田別墅在輞口輞水周於舍下竹洲花塢與道
友裴迪浮舟往來彈琴賦詩嘯詠終日在京師以元
談爲樂齋中無所有唯茶鐺酒臼經案繩牀而已退

朝之後焚香獨坐以禪誦爲事

玉壺水

王維王縉以科名文學冠絕當代時人口朝廷左相筆

天下右丞詩

杜陽編

石甕寺兩壁皆王右丞山水畫也會昌寺毀失之鄭嵎

津陽門詩烟中壁碎摩詰畫

詩話

王維爲岐王畫一大石信筆塗抹自有天然之致王寶

之時杲憇間獨坐注視作山水想悠然有餘趣數年

之後風雨飛去

柳媛記

王維種紅蕉於朝川莊嘗寫蕉池積雪不徒以供揮灑

也郊九成詔雪霽詩何當爲置王摩詰更添幾葉紅

芭蕉

詩話

余見王右丞山莊圖又雪霽捕魚圖山莊樹葉皆如個

字其雪霽枯樹圖似郭熙二卷皆無欵疑宋人臨摹

也

陳繼儒書畫史

王維畫小朝川摹本筆細在長安李氏人物好此定是

真若比世俗所謂王維全不類或傳宜興楊氏本上

摹得文彥博太史小朝川折下唐跋自連真還李氏

一日同出坐客嘗言太史者真唐張彥遠名畫記云

類道子又云雲峯石色絕迹天機筆思縱橫參於造化孫氏圖僅有之餘未見此趣

畫史

趙大年畫平遠絕似右丞秀潤天成真宋之士大夫畫此一派又轉爲雲林雲林工緻不皴而荒率蒼古勝矣今作平遠及扇頭小景一以此二人爲宗使人玩之不窮味外有味可也畫家之妙全在烟雲變滅中米虎兒謂王維畫見之最多皆如刻畫不足學也唯以雲山爲墨戲此語雖似過正然山水中着意生雲不用描染皆以墨漬出令如氣蒸冉冉欲墮乃可稱

生動之韻

論畫瑣言

范大珪字君錫富鄭公婿同行相國寺以七白金常賣處買得雪霽圖破碎甚古如世所謂王維者劉伯玉相值笑問買何物因衆中展示伯玉曰此誰筆余曰王維伯玉曰然適行一遭不見其有所歸乎余假范人持之良久并范不見翼日去取云已送西京矣同行梅子平大怒曰吾證也可理於官豈有此理余笑曰吾故人也因以贈之今二十年矣范卒已十年不知所在

米芾畫史

王晉卿收江南畫小雪山二軸易余歲餘小木一筆纏起作枝葉如草書不俗後易書與蘇之友李伯時云其父所收失去知在晉卿家不知歸余恨不得易云

王維筆非也

同上

江干初雪圖真跡藏李邦直家唐蟠本世傳爲摩詰所作未有元豐間王禹玉蔡持正韓玉汝童子厚王和甫張邃明安厚卿七人題詩建中靖國元年韓師樸相邦直厚卿同在二府時前七人者所存惟厚卿而已持正貶死嶺外禹玉追貶子厚方貶玉汝和甫

明則死久矣故師樸繼題其後曰諸公當日聚巖廊半謫南荒半已亡惟有紫樞黃閣老再開圖畫看瀟湘是時邦直在門下厚卿在西府紫樞黃閣謂二人也厚卿復題云曾遊滄海因驚瀾晚涉風波路更難從此江湖無限興不如祇向畫圖看而邦直亦自題云此身何補一毫芒三辱清時政事堂病骨未爲山下土尚尋遺墨話存亡余家有此摹本併錄諸公詩續之每出慨然自元豐至建中靖國幾三十年諸公之名宦亦已至矣然始皆有願爲圖中之遊而不

元稹志 卷十一
得故禹玉云何日扁舟載風雪却將篔簹伴漁人玉
汝云君恩未報身何有且寄扁舟夢想中其後廢謫
一流竄有雖死不得免者而江湖間此景何處不有皆
不得一償厚耶王爲危辭蓋有激而云豈此景無不
可得亦自不能踐其言耳 石林詩話

王維渭城曲一曰陽關乃送元二使安西詩也後被於
歌 唐人詩話

唐詩記事作送客詩元姓二行也其名不見於史出使
安西貞觀十四年平高昌置安西大都護府顯慶二

年徙龜茲都督府復治西州東接焉耆西連疏勒南

隣吐蕃北拒突厥今安西城在陝西靜虜衛

陽關三疊圖譜

孟浩然王摩詰詩自李杜而下當爲第一老杜詩云不

見古人王右丞又云吾憐孟浩然皆公論也

彥周詩話

客以按樂圖示王維無題識維徐曰此霓裳第三疊最

初拍也客未然引工按曲乃信

西陽雜俎

朱慶餘過孟浩然舊居詩平生誰見重應只是王維

詩序

王維官給事中晚築輞川別業後捨爲清源寺杜甫崔

氏東山草堂詩何爲清莊王給事柴門空閉鏤松筠

味摩詰之詩詩中有畫觀摩詰之畫畫中有詩詩曰藍

溪白石出玉川紅葉稀山路原無雨空翠濕人衣

東坡

別集

舊傳陽關三疊然今世歌者每句再疊而已若通一首言之又是四疊皆非是或每句三唱以應三疊之說則叢然無復節奏予在密州有文勳長官者以事至密自云得古本陽關其聲宛轉淒斷不類向之所聞每句皆再唱而第一句不疊乃知古本三疊蓋如此

及在黃州偶得樂天詩云相逢且莫推辭醉聽唱陽關第四聲注云第四聲勸君更盡一杯酒以此驗之若第一句再疊則此句爲第五聲今爲第四聲則第一句不疊審矣

東坡詩話

劉禹錫初貶名還又忤宰相被黜十年再召還與歌者何戡詩曰二十餘年別帝京重聞天樂不勝情舊人唯有何戡在更與慙懃唱渭城謝枋得云夢得怨舊時之害已者今無一存唯一妓獨在不勝情三字極有味按此則右丞之詩在唐時已入謠曲矣

陽關三疊譜

秦太虛云右丞此絕句近世又歌入小秦王更名陽關
今雙調有曰小陽關又見大石 同上

王右丞出塞作第三句暮雲空磧時驅馬又七句玉靶
角弓珠勒馬重一馬字李于鱗諸子俱不能定偶閱
楊用修集云鮑照詩秋霜曉驅雁春雨暗成虹佳句
也又陽休之洛陽伽藍記有北風驅雁千里飛雲之
語則暮雲空磧句當作時驅雁無疑矣王元美極賞
敬美定開山幽居爲開士幽居愚竊謂此相校譬差

覺勝耳 雜圖錦括

唐

廣德二年僕固懷恩護回紇歸國道太原節度使辛雲
京閉關不敢犒軍懷恩怒頓軍汾州使裨將李光逸
以兵守祁監軍駱奉先還奏狀顏真卿言懷恩將士
皆郭子儀舊部若以子儀代之必相從而歸子儀至
河中懷恩子瑒攻榆次未拔追兵於祁責其緩鞭之
是夕徧將焦暉白玉等斬其首懷恩北渡河走靈武

唐書

王忠嗣鎮太原以女韞秀歸元載載岐山人也久而見

輕於王之親屬韞秀勸載游學載因爲詩別曰年來
誰不厭龍鍾雖在侯門似不容看取海山寒翠樹苦
遭霜霰到秦封韞秀答曰路掃饑寒跡天哀志氣人
休零離別淚携手入西秦乃同入秦求舉載旋舉明
莊老文列四子科

唐詩紀事

王方翼嘗夜行見長人文餘引弓射仆之乃朽木也

述異

記

溫庭筠思神速多爲人作文大中未試有司廉視尤謹
庭筠不樂上書千餘言然私占授者已八人嘗過淮

南丐錢揚子院直醉爲邏卒擊折其齒

唐書

溫庭筠述懷詩采地荒遺野爰田失故都注予先祖國
朝公相晉陽佐命食采於并汾也

溫庭筠嘗得一句云蜜官金翼使徧於知識無人可屬
久之自聯其下曰花賊玉腰奴予以謂道盡蠶蚊

清異

錄

勅鄉貢進士溫庭筠早隨計吏夙著雄名徒負不羈之
才罕有適時之用放驥人於湘浦移賈誼於長沙尚
有前席之期未爽抽毫之思可隨州隋縣尉舍人裴

唐之詞也庭筠字飛卿彥博之裔孫也詞賦詩篇冠絕一時與李商隱齊名時號溫李連舉進士竟不中第于是謫爲九品吏進士紀唐夫嘆庭筠之冤贈之詩曰鳳皇詔下雖承命鸚鵡才高却累身東觀奏記溫飛卿任太學博士主秋試李濤衛丹張邵等詩賦皆榜於都同上

桑道茂居有二栢甚茂曰人居而木蕃者去之木盛則土衰土衰則人病乃以鐵數千鈞埋其下復曰後有發其地而死者太和中溫造居之發藏鐵而造卒顯異

錄

溫造道遇左補闕李虞惠不避捕從者笞辱左拾遺舒元褒等建言故事供奉官惟宰相外無屈避造棄蔑典禮無所畏辱天子侍臣凡事小而關分理者不可失失之則亂所由生遺補雖卑侍臣也中丞雖高法吏也侍臣見陵則恭不廣法吏自恣則法壞聞元和長慶時中丞呵止不半坊今乃至兩坊謂之籠街造擅自尊大忽僭擬之嫌請得諭罪帝乃詔臺官供奉官共道路聽先後行相值則揖中丞傳呼不得過三

百步

會要

段成式與溫庭筠雲藍紙詩賦序曰予在九江出意造雲藍紙輒分送五十枚其詩曰三十六鱗充使時數番猶得表相思蓋龍八十一鱗鯉三十六鱗也至宋景文詩云君軒結戀蕭蕭馬尺素愁荒六六魚又使六六三十六也

彥周詩話

溫憲光啟中及第爲山南從事李巨川表述其淹屈曰蛾眉先妬明妃爲去國之人猿臂自傷李廣乃不侯之將何晦撫言

劇燕蒲坂人爲詩雅正十哲之一也後客王重榮被宗唐詩紀事重榮鎮河中燕投詩曰祗向國門安四海不離鄉井拜三公重榮甚加禮敬竟以凌轢諸從事受正平之禍

客禪

王仁裕知貢舉取王溥爲狀元溥時年二十六後六年溥拜相時仁裕猶致仕無恙賀以詩曰一戰文場拔趙旗便調金鼎佐無爲白麻驟降恩何極黃髮初聞喜可知跋勅案前人到少築沙堤上馬歸遲立班始得遙相見親洽爭如未貴時

石林詩話

上溥五代狀元相周太祖世
祚爲周觀察使致仕祚居
者未知年壽耳一日居洛
之乃轉者也密問老兵云
也貴極富溢所不知者壽
卦錢相酌也旣見祚令布
惟有壽也祚喜問曰能至
答以至八九十否又大笑
乎又歎息曰此命至少亦

喜曰其間莫有疾病否曰
俱無祇是近一百二十歲
便安愈矣祚大喜回顧子
切記之是年莫教我喫冷
文康公溥初周祖鎮蒲津
景崇得朝臣交結書周祖
世宗嘗問漢相李崧蠟瓦
溥曰使崧有此肯以示人
優贈其官

厚德錄

宋故事朝會一品班臺省後乾德二年王溥自同平章事罷爲太子太保上曰溥舊相當寵異之令分臺省班於東西遂爲定制

舊峨眉班中書門下班分東西向謂之峨眉班自王溥

始王溥罷相歸班

會新南遊記

王丞相溥還政閒居四方書牘答報皆手筆然不過百字目前事與親黨相聞劾於紙扎封疊造赤漆小版書其上僕吏以帊蒙傳去雖一時間可發數十公自爲木牋後復加頰拒安抽面以啟閉字濕則能護之

故又有漆方士漆雕開之名

清異錄

仁宗時詔改王溥諡有議欲爲文忠者給事中張揆曰溥周之宰相國亡不能死安得爲忠乃諡爲文康

紀畧

王祁公家有晉諸賢墨蹟唐相王廣津所寶有永存珍

秘圖刻閣立本畫老子西昇經唐人畫鎖諫圖王冀

公家褚遂良書唐太宗帝京篇太宗見祿東贊步輩

圖錢文僖家書畫最多有大令黃庭經李邕雜蹟錢

宣靖家王維草堂圖周安惠家獻之洛神賦蘇侍郎

家魏鄭公諫太宗圖楚樞密有江都王馬王尚書仲

儀有回文織錦圖

春明退朝錄

金圖太原祁縣降而復叛突合速攻下之

金史

祁縣北白村里猫寨絕險可避兵正統十四年兵圍寨其夜寨中武安王廟刀鳴民家金鐵皆有聲衆懼不祥次日兵解去夜見寨上火光及聞人馬聲疑有備也

府志

縣西北金山有石綠洞深不可測舊志謂昔有持炬入者及半聞流水聲隔水有石門懼不敢進迷其處近訛傳有礦徒聚竊者覓得前洞風從下起不可燭亦

不能下石門之說恐未必然

府志

按縣西北金山疑作縣東南紫荆山

玉泉山北相傳昔有馬食禾逐之不見掘之得水溢與

地平遠名馬井

府志

祁縣玉清觀有牡丹甚茂弘治間王府析移其枝遂稿後有村民由省會歸者途遇女子求載車中及觀下車入叩之則烏有也旣而花復盛開人謂花神云

通志

朱雲尊王維伏生圖跋曰王維所畫伏生上有宋思陵題字又曰按中興館閣續錄維所畫濟南伏生圖會

歸秘閣儲藏故宋元以來題跋獨少 曝書亭集

康熙二十二年山西祁縣劉姓平素無惡不作通邑切齒忽一日自詣縣治兩手自然反接口稱奉縣城隍命投到求本縣起解至府城隍問罪令以爲心疾逐出復來兩手俱無繩而數人擘不可開如此數日令不得已爲具文遣差牒送府城隍至卽焚牒劉卽伏堦下號呼痛楚若受朴者頃刻受刑處俱青黑破爛刑畢起自言府城隍仍發回本縣遊各門示衆仍反接而出若有押者至縣循行各門凡平日所作過惡

一一高聳臚列且云無若劉某爲惡現世受報也遊畢七竅流血而死觀者日數萬人邑令爲遼陽進士楊振藻武林諸寅吉言余幼讀徐慶信徵錄所載祁邑城隍示衆一則確鑿有據心爲之詫異者彌日旣而嘆彰善癉惡惟神實司其權彼世之非之疑之甚且真行不顧者皆惑也壬午冬余膺

尚命來蒞茲土下車後卽詣城隍廟行香瞻仰之次進父老而詢前事皆茫無以應焉夫神道設教原補政化之所不及故卽事屬子虛而幽有鬼神一語猶足

以懲創人之逸志况現世受報如諸寅吉所言不過
數十年事竟令其事過輒忘毫無與感可乎用是恭
錄其說俾邠之人咸知天理人心幽明無間官縱可
欺神不可欺而蒸蒸向善之心庶不爲非之疑之冥
行不顧者所惑卽徐子纂言勸戒之意亦藉以大白
矣湘源蔣瑄記

邠縣士民奉 憲革除陋弊碑記

雍正二年歲在甲辰邠縣武舉郝培燹閭人龍生員郝
培璧具呈 院憲請均平里甲革除陋規奉 大中丞
諾 大藩憲高批示一切陋規盡行革除並諭勒石以
垂永久一豎碑於 藩憲衙門一豎碑於縣治大門飭
將勒石過碑文刷印呈送存查碑文不及備載特將奉
憲革除陋規款開後

一革每季原差催認狀銀兩

一革戶房每季規禮銀兩

一革每季收書銀兩

一革每季印紅銀兩

一革每季提差銀兩

一革每季倒換散批銀兩

一革每季倒換總批銀兩

一革每季押糧原差銀兩

一革每季總押原差銀兩

一革米豆不許吏役包收隨市價任民自納

一革驛馬廩豆不許照糧私派

一革驛馬草不許私出民間

一革鹽稅不許加五收授

一革春季顏料銀兩

一革夏季黃絲銀兩

一革織絲工匠銀兩

一革秋季續派黃絲銀兩

一革冬季加增黃絲銀兩

一革大場騰錄書手銀兩

一革大科棚場銀兩

一革值日撥發來往差役襍派銀兩

一革巡鹽人役並不發鹽引

一革守城民壯銀兩

一革官農工食銀兩

一革軍廳捕快銀兩

一革討收管銀兩

一革青夫銀兩

一革三門門上銀兩

一革門子印紅銀兩

一革捕快銀兩

一革燈籠夫銀兩

一革傳事銀兩

一革鋪陳庫子銀兩

一革請印銀兩

一革抵換倉穀不許加三收受輕出重入

一革易買倉穀不許侵尅官價勒索民錢

一革三班人役襍項銀兩

一革宅門門子銀兩

一革禁卒銀兩

一革倉房斗給銀兩

一革更夫銀兩

一革司茶人銀兩

一革水夫銀兩

當年責革蠹役不許復入七名

附載祁縣城鄉規例

本城自有本城應辦差務四鄉自有四鄉應辦差務各照歷來舊規永不許相推相扳今修新志因附錄

於此

防秋舖在新韓鎮北左戴家堡二村界內創於康熙三十年因秋禾暢茂奸宄易於潛形持設此舖命北左戴家堡二村防守免其襍項夫役路傍有碑 乾隆三十八年因舊碑損壞重新勒石概仍其舊

24178

飛鳥元



原件收藏

山西省图书馆

原件书号

24171-78

原件状况

原件有部分字迹模糊

原件个别地方破损

原件有部分有污迹

[乾隆]祁縣志十六卷

(清)陳時纂修

清乾隆四十五年刻本

八册

本部书共摄制 1 卷 卷一至卷十六

版权所有 不准复印

本部书完

本片卷含： 卷一至卷十六